

ՄԵՍ ՀՈԿՏԵՄԲԵՐԻ 60-ԱՄՅԱԿԻՆ ՆՎԻՐՎԱԾ ԳԻՏԱԿԱՆ ԿՈՆՖԵՐԱՆՍ

1977 թ. հոկտեմբերի 25—27-ը տեղի ունեցավ «Հոկտեմբերյան սոցիալիստական մեծ հեղափոխությունը և ազգային հարցի լուծումը» թեմայով գիտական կոնֆերանս, որը կազմակերպել էին ՍՍՀՄ և ՀՍՍՀ գիտությունների ակադեմիաները, ՍՍՀՄ ԳԱ «Հոկտեմբերյան սոցիալիստական մեծ հեղափոխության պատմությունը» կոմպլեքսային թեմայի գիտական խորհուրդը և նրա հայկական սեկցիան, սոցիալիստական երկրների գիտությունների ակադեմիաների քաղաքականի գիտական համագործակցության «Մեծ Հոկտեմբերի պատմությունը և հետագա սոցիալիստական հեղափոխությունները» պրոբլեմային հանձնաժողովը:

ՀԿԿ Կենտկոմի, ՀՍՍՀ Գերագույն սովետի և հանրապետության Մինիստրների խորհրդի անունից կոնֆերանսի մասնակիցներին ողջունեց ՀԿԿ Կենտկոմի քարտուղար Կ. Դալլաբյանը: Նա մասնավորապես նշեց սովետական ժողովուրդների միասնությունը, նրանց բարեկամությունն ու եղբայրական համագործակցությունը, և որ ցանկացած սովետական հանրապետություն կարող է ՍՄԿԿ լենինյան ազգային քաղաքականության կենսական ուժի փայլուն հաստատումը ծառայել մեր պետության 60-ամյա ճանապարհին: Հավատարիմ լինելով մեծ լենինի պատգամներին, վերջում նշեց Կ. Դալլաբյանը, կոմունիստական կուսակցությունը սովետական պետության զարգացումն անշեղորեն տանում է բոլոր եղբայր ժողովուրդների ինտերնացիոնալ միասնության էլ ավելի ամրապնդման ուղիով, ժողովուրդներ, որոնք միասնաբար առաջ են ընթանում դեպի կոմունիզմ:

«Հոկտեմբերյան սոցիալիստական մեծ հեղափոխությունը և պրոլետարական ինտերնացիոնալիզմը» զեկուցումով հանդես եկավ ակադեմիկոս Ի. Մինցյու: Նա ասաց, որ մեծ Հոկտեմբերը համաշխարհային հեղափոխության սկիզբն է և բաղկացուցիչ մասը: Այնուհետև զեկուցողը կոնկրետ օրինակներով ցույց տվեց, որ սոցիալիզմը և ազգային հարցի լուծումն անբաժանելի են, որ միայն սովետական իշխանու-

թյան շնորհիվ պայմաններ ստեղծվեցին ազգային ճնշման ու ազգային անհավասարության իսպառ վերացման, նախկինում ճնշված ժողովուրդների բարգավաճման համար:

Ակադեմիկոս Յու. Բրաժնյը զեկուցեց «Ազգային պրոցեսների հետազոտումը ՍՍՀՄ-ում» թեմայով: Նա նշեց, որ ՍՍՀՄ փորձը աշխարհի ժողովուրդներին օրինակ է տալիս հասարակության զարգացման ամենաբարձր պրոբլեմներից մեկը՝ ազգային հարցը լուծելու համար: «Մեծ Հոկտեմբերը և հայ ժողովրդի ազատագրումը» զեկուցման մեջ ՀՍՍՀ ԳԱ ակադեմիկոս Մ. Աղայանն ասաց, որ Հոկտեմբերյան հեղափոխությունը ուղի հարթեց Հայաստանում սովետական իշխանության հաստատման համար: Հայ ժողովուրդը սովետական իշխանության հաստատումը հսկայական ոգևորությամբ ընդունեց, ՀՍՍՀ ԳԱ ակադեմիկոս Ա. Առաքելյանը խոսեց ՍՍՀՄ ժողովուրդների տնտեսական համագործակցության մասին:

Ակադեմիկոս Շ. Նացակզորժի (ՄԺՀ), պրոֆեսորներ Մ. Կրապիլովի (ՀՍՍՀ), Վ. Բոժինովի (ԲԺՀ), Մ. Նեդելյայի (ՌՍՀ) և պատմական գիտությունների դոկտոր Բ. Սիզգելի (ԼժՀ) զեկուցումները նվիրված էին եղբայրական սոցիալիստական երկրներում ազգային հարցի լուծման գործում ՍՄԿԿ փորձի օգտագործման հսկայական նշանակությանը, իսկ պրոֆ. Վ. Եմիդը (ԳԴՀ) անդրադարձավ սոցիալիստական գերմանական ազգի կազմավորմանը:

Զեխոսովակիայում ազգային հարցի վրա Հոկտեմբերի անմիջական ազդեցության քննությունն էր նվիրված պատմական գիտությունների դոկտոր Տ. Վոյաեխի (ՀՍՍՀ) զեկուցումը:

Մոլդավական ՍՍՀ ԳԱ ակադեմիկոս Ա. Լազարևի և պատմական գիտությունների թեկնածու Ռ. Դանիլենկոյի (Քիշնև) զեկուցումը նվիրված էր մեծ Հոկտեմբերի ազդեցության ներքո Մոլդավիայում ազգային հարաբերությունների զարգացման լուսաբանմանը, իսկ պատմական գիտությունների դոկտոր Բադյույուբենե-Պետերսի (ԳԴՀ) հաղորդումը՝ «Հոկտեմբերյան սոցիալիստական հեղափոխությունը»

ներ և ազգային ու ինտերնացիոնալի դիալեկտիկան ԳԴՀ սոցիալիստական կուտորայում թեմային:

«Ազգային հարցը սովետական զինված ուժերի կառուցման գործում թեման արժարժեց պատմական գիտությունների դոկտոր Ցու. Կաբարլովը (Մոսկվա): Մերձբալթիկայում ազգային հարցի լուծման գործում մեծ Հոկտեմբերի պատմական նշանակությունը լուսաբանող հարուստ գրականության քննության էր նվիրված լիտվական ՍՍՀ ԳԱ թղթակից անդամ Ա. Իրեմեի և պատմական գիտությունների դոկտորներ Ռ. Վայտկյաուվիչուսի (Վիլնյուս) ու Կ. Սիլվիվասկի (Տալին) ղեկուցումը:

«Մեծ Հոկտեմբերը և ազգային հարցը Հունդարիայում ղեկուցմամբ հանդես եկավ պատմական գիտությունների թեկնածու Լ. Կյավազոն (ՀԺՀ): Պատմական գիտությունների թեկնածու Կ. Պելեշուսկու (ԲԺՀ) հաղորդումը նվիրված էր բուլղարական պատմագրության մեջ ազգային հարցի լուսաբանմանը:

«Մեծ Հոկտեմբերը և ՍՍՀՄ-ում ազգային հարցի լուծման միջազգային նշանակությունը» թեմայով ելույթ ունեցավ պատմական գիտությունների դոկտոր Ա. Չուրախանը (Մոսկվա):

Պատմական գիտությունների դոկտորներ Լ. Նագորեայայի (Կիև) և Խ. Ինոյասովի ղեկուցումները նվիրված էին Ուկրաինայում և Միջին Ասիայի հանրապետություններում ՍՄԿԿ ազգային քաղաքականության բուրժուական կեղծարարների քննադատությանը:

Գիտական կոնֆերանսի վերջում տեղի ունեցավ մտքերի փոխանակություն, որին մասնակցեցին պատմական գիտությունների դոկտորներ Զա. Կապանսկին (Քիշնև), Պ. Սևիվանովը (Մինսկ), Ա. Սանուսիչը (Մոսկվա):

Վերջում կոնֆերանսի արդյունքներն ամփոփեց ակադեմիկոս Ի. Միլցը:

Կոնֆերանսին մասնակցում էր ՀԿԿ Կենտկոմի գիտության և բարձրագույն ուսումնական հաստատությունների բաժնի վարիչ Զա. Խաչիկյանը: